

Partecipazion a grancj events, spot radiofonics e televisifs, gadget: a son i ingredients de campagne di comunicazion volude de Arlef e progjetade de Cooperative information furlane.

» DI CHRISTIAN ROMANINI



I partecipants ae conference stampe

Il furlan al va Fûr par fur

Tra chei altris events previodûts, anche Friuli Doc a Udin, Arti&Sapori a Çopule, la Fieste dal Miluç a Tumieç, Savôrs di Frontiere a Gurize”.

SPROC INDUVINÂT

Un dai sprocs plui induvinâts, anche se forsit al fasarà ricâ il nâs a cualchidun al è “+ figo x furlan”, titul di un dai video promozionâi previodûts, realizât di **Giorgio Cantoni**, che al sarà metût a disposizion dai organizadôrs dai events, dai gjornaliscj e des testadis on line. Il video al à par protagonist **Daniel Samba**, cognossût pe sô interpretazion in diviers progjets tant che “Ocjol”, “Furlan piturât di neri” e “Felici ma Furlans” - e al sarà presentât pe prime volte

al public propit sul palc dal Cjistiel di Udin, in ocasion de Gnot Blancje in program ai 4 di Lui, dulà che la Arlef e sarà presinte anche cuntun so bancut informatîf. Indreçât ai plui zovins, il video al fâs jeve sul paradòs e su la simpatie naturâl di Samba, che di mistîr al fâs l'autist de Saf, par dâ ai zovins un messaç une vore sclet sul parcè che l'ûs dal furlan al representi un motif di distinzion.

Nol reste che sperâ, cemût che si augure la assessore regionâl **Mariagrazia Santoro**, che cheste iniziative e crei il teren fertil just. “Il furlan al è un imprest - e à marcât la Santoro - une clâf buine di vierzi tantis puartis. Si trate dome di rindi normâl il so ûs”.



ilfriuli@ilfriuli.it

■ MERIT FURLAN

Ultins dîs par segnalâ i nominatîfs

La associazion “Merit Furlan”, la Comunitât culinâr e il Comun di Ravis Darcjan a informin che al è timp fint ai 5 di Lui par segnalâ nominatîfs pe assegnazion dal premi “Merit Furlan 2015”, rivât ae edizion numar 32.

Il premi al vûl dâ un ricognossiment a personis che si sedin particolarmentri distintis pe lôr ativitât in Friûl, in Italie e tal Mont tai cjamps dal lavôr e ricerce, des sciencis, de culture, de art e de solidarietât.

Lis segnalazions compagnadis

di une motivazion di pueste a varan di rivâ par letare, fax (0432889818) o pueste eletroniche (segreteria@collinare.regione.fvg.it) al Consorzi de Comunitât Culinâr dal Friûl- Comission Premi Merit Furlan, place dal Cjistiel 7 - 33010 Colorêt di Montalban (UD), dentri dai 5 di Lui.

La cerimonia di consegne dal premi Merit Furlan 2015 e sarà sabide ai 5 di Setembar aes 6 sore sere li dal Cjistiel di Arcjan Disore. Par plui informazions lait sul sît www.friulicollinare.it.

SCOLTADIS DI DRIUS

Stes efiet

Si dîs che el lavôr al sedi un mût par smenteâ i fastidis. Ben, s'â l'è par chel, anche un bon vin al fâs el stès efiet.



Ativitât fisiche pai grancj, plui di 600 personis “alenadis” de Provincie

Ancje dome une cjaminade, se fate cun regolaritât, e pues puartâ subit beneficis ae salut. E fâs ben ai zovins e inmò di plui ai over 60. A cheste categorie di personis si è indreçât il progjet “Sport è - movimento e salute” promovût de Provincie di Udin e fat par motivâ i adults a praticâ ativitât fisiche cun coSTANCE par favorî un coret stîl di vite; un svicinament fundamentâl, chel dal benstâ fisic, par prevignî lis malatiis circolatoris, i problemis leâts ae etât e l'isolament. Tai dîs passâts al è stât presentât il belanç de iniziative che e à viodût la colaborazion di diviers partners (la Universitât di Udin cu la facultât di Sciencis Motoris, Iis Ass. n. 3, 4 e 5, il Coni di Udin e l'ospedâl Gervasutta) e la poie impuartante de Fondazione Crup. La iniziative si è svilupade sul teritori (6 i Comuns cjapâts dentri: Bujè, Tumieç, Codroip, Palme, Cividât e Tisane) midiant chest format: une conference di presentazion cun materiâl multimediâl (in dut 200 partecipants) e trê lezioni praticichis



(dôs in palestre e une di fûr) cun laureâts in Sciencis Motoris par grups di 30-40 personis (450 presincis in dut). Cetant sodisfats i assessôrs provinciâi Beppino Govetto (sport) e Elisa Battaglia (politichis sociâls) pal risultât vût in cheste prime edizion de iniziative che l'Ent

al vûl puartâ indevant; anche la Fondazione Crup, cul so president Lionello D'Agostini, si è esprimude a favôr. “La ativitât motorie - al à dit l'assessor Govetto - no je plui un optional, e je fundamentâl par garantî une buine vecjaie, ative e lontane des malatiis. Fâ ativitât fisiche cun regolaritât al preven il pericol di malatiis cardiovascolârs e, dal pont di viste sociâl, l'isolament che al cjape dispès lis personis tes fassis di etât over 60”. E propit la agregazion stimolade di chest progjet e je stade ricuadade de assessore Battaglia. “Tra lis tantis robis positivis di cheste iniziative - e à sotlineât - di sigûr la oportunitât dade a tantis personis di cjatâsi, di confrontâsi



tai piçûi problemis e passâ cualchi ore in compagne”. La validitât de propueste de Provincie di Udin e je stade confermada dai risultâts regjistrats sul teritori ma so redut de volontât di slargjâle par cjapâ dentri plui int pussibile. In chest sens e à fevelât la doteresse Silla Stel de Ass. Basse Furlane.